

Kuala Lumpur

Risiko pokok durian matang awal

Pokok durian VVIP daripada ASFA50 yang hangat di perkatakan ramai kerana mampu berbuah dalam masa tiga tahun selain dapat ditanam di kawasan keluasan terhad dianggap tanaman baru yang berpotensi dikomersialkan.

Begitupun, pakar tempatan berpendapat kajian lanjut perlu dijalankan bagi memastikan ASFA50 sesuai untuk jangka masa panjang khususnya dari segi daya ketahanan pokok.

Pensyarah Kanan Jabatan Sains Tanaman Universiti Putra Malaysia (UPM) Dr Mohd Firdaus Ismail berkata, pihaknya mengetahui kewujudan baka terbaru itu menerusi media namun tidak mendapat maklumat lanjut mengenai kajian berkaitan.

“Memang sesuatu yang bagus jika menghasilkan pokok yang dapat mengeluarkan hasil ketika muda tanpa perlu menunggu bertahun-tahun lamanya.

“Namun, ia masih memerlukan penelitian kerana

biasanya tempoh tiga tahun dianggap peringkat muda.

“Jika dipaksa berbuah dalam tempoh terbabit (matang awal), ia mungkin menjadikan kesihatan pokok,” katanya.

Beliau mengulas mengenai laporan muka depan Harian Metro, Isnin lalu mengenai durian VVIP, ASFA50:

Ia singkatan daripada Anniversary Sirajudin Fauziah of the 50th yang boleh ditanam dalam pasu besar selain boleh ditempatkan di kawasan rumah kerana akar tunjangnya tidak merosakkan struktur binaan.

Pokok durian terbabit juga hanya berketinggian maksimum lima meter saja dan berbuah dalam tempoh tiga tahun berbanding jenis biasa iaitu antara lapan hingga sembilan tahun.

Selain itu, ia juga diperayai dapat mengeluarkan hasil dua kali setahun dan mengandungi 80 peratus kandungan gas yang lebih rendah serta kurang bau.